

DEO OPT. MAX. VNI ET TRINO, VIRGINI DEIPARÆ, ET SANCTO LVCE ORTHODOXORVM MEDICORVM PATRONO.

## QVÆSTIO MEDICA,

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS. XVIII. FEBRVARI,

M. DIONYSIO ALLAIN, Doctore Medico, Præside.

*Est-ne Nutricis subfusca Lac salubrius?*

1036

**Q**VI sanus utroque parente prodit infans, is verè *εὐφύης*; neque enim graviditatis molestiis, partus-ve laboribus, non vni animalium homini necessariā *εμφυλοποιήσις*, non meconii exitu *ἐκκλισις* moliendo, non aquæ dulcis balneo, aut oleo, non sale aut myrtho cute densata, ita afficitur, quin statim atque is fuerit modico melle & quiete recreatus, & pannis debite involutus, & ita ab utrisque iniuriis vindicatus, divulgum fame stomachum, non tam miseriarum ratione duci, quam penuriā conuenientis pabuli, atque idcirco illius vbertate deliniri sentiat: *ψυχὴ τῆ ἀνθρώπου μὴ τῆ βασιλῆς φέσται*. Nutritur homo, augetur, viget, consistit, decrescit, senescit, moritur, sed imparibus momentis: Idque vnius nutritionis ope, quæ fit, dum alimentum parti nutriendæ assimilatur, triplicisque functionis, *χολώσεως, αἱματώσεως, ἀμεινώσεως*, quatuor facultatum beneficio, attractricis, retentricis, coctricis, & expultricis.

**C**ALIDVM & humidum puerorum corpus, triplici constans substantiâ, spirituosâ, humidâ, solidâ, fluidum est atque molle, & ideo perpetuò transpirabile, quo fit ut assiduo alimenti conuenientis vsu indigeat, extinctionis metu: accedit ut & insuper augeatur, quibus necessitatibus ut prouideret Naturæ sagacitas, sanguinem quem dum vtero concluderetur, per vasa vmbilicalia ad eius alimoniam sufficeret, eundem ubi is desit esse vtilis, mutato ad superiores partes cursu, ad mammas, postquam per multos plexus & labyrinthos excoquendum & dealbandum transmisit, vi quadam *γαλακτοποιήσις*, pluribus venis, paucis arteriis coeuntibus, (ne scilicet æqualis iactura spirituum ac sanguinis fieret, minusque inde vtilis circulatio sanguinis videretur,) *τὴν γάλακτα τῶν ἐπιμητῶν ἀδελφά*, ita lac *ἐν πρῶτῳ*, dulcissimumque prodiret maternum, quod eo suauius, quo per nouem menses assuetum: quod si aliqua occasione deficiat,

**I**LLVD eligatur, quod substantiâ sit mediocri, inter crassum & tenue, colore albo, subnigricante, gustu dulce, odore suauis, tactu modicè inhærens, & sub-viscidum, quod à nutrice prodeat temperatâ, mediocriter carnosa, non nihil ad gracilitatem declinante, corpore prociore, ætate iuuenili, non multum prouecta, facies illi sit hilaris, amplum pectus, spiritus liber, dentes integri, mammar mediocres, imò minus carnosæ, sed quæ pluribus venis si non conspicuæ, saltem sint refertæ, quæ in medio sui papillas gestent, quas sine molestia sugat puer, quæ lac fundant, quod in aquam immisissum, neque cogatur grumescatve, neque instar feri diffuat, sed in vngue susceptum vnionis instar consistat: ita verò copiosum profundatur, ut possit succedere *ἐν πρῶτῳ, ἢ μᾶλλον ἐν παλαιῳ*: præter id conuenit leniendis aliis infantium doloribus, etiam grandiorum, imò & solo lacte vivere plures, & ad *μακροβιότητα* non parum confert. Quod ubi dentes emiserit eosque molares, vberius & solidius alimentum conceditur, panatella, pultricia, intritæ carnes, iuscula. Abstemia sit; longè à conjugē, nec minus sibi, quam puero vivat; aërē fruatur temperato, purior, somnum obeat paulò longiorem ac placidiorem.

**N**EC in assumendis puerorum regendorum ratio solum collocanda, sed & in educendis, tum propter nimiam plenitudinem ob ingluviem, tum propter excrementa, quorum vis est corruptiva. Iis *ἐν πρῶτῳ* prospexit exercitationum, sive motuum, variis inventis, quorum beneficio tum ea devitetur, cæteraque arceantur; cæ sunt, gestatio in vlnis, in cunis, frictions molles, cum oleo, concocto prius in ventriculo cibo, balnea aquæ dulcis, leues ambulationes, in cathedra, lectica, curru, musica, pictura, sensationes gratæ, quarum ope natus calor vegetior redditus, excrementa tenuat, fundit, pellit, membra sensim augeant, roborantur. Mouebunt & animi pathemata, præsertim læticia calorem & spiritus iucundi speciem, ut iis uterque augeatur, atque diffundatur: contra tristitia introPELLIT, obstructions sæpe parit, potissimum si cum repentino metu coniungatur: Iis ubi vteret, in pueri salutem omnia succedent: Et sic cum illius diligenti cura & perpetua munditiæ biennii spatium, quo debet ablatari, feliciter adventabit.

**C**ÆTERARVM nutricum lac iis dotibus destitutum, minus aptum quam profervanda pueri calida & humida temperie, & molli *εὐσπλαγξ* corporis, cum eius sufficienti incremento censebitur, si enim serosius illud sit minusque crassum, alimoniam vix præstabit, fluxiones plures in fauces, pulmones & alvum creabit, si crassum, distributioni nocebit, inde obstructions jecoris & lienis, & si in diffusas diffundatur partes, calculus, scirrhus, pustulæ: quod si palato aut naribus non ita ariserit, aut cum difficultate trahatur, fastidium, nauseam, vomitum, lacrymas, & tandem, si hæc non exoriantur, *ἀποφθίσις* succedet. Quod si aut biliosius aut magis melancholicum, mordax, salsum, acreve, illud sit, vtriusque cacochymie collectio non immerito metuenda expectabitur, quæ cum vtraque sit summo perefrugienda, iudicabit peritus: quod sit ei facile in educandis pueris, lac subfusce mulieris esse salubrius.

*Ergo Nutricis subfusca Lac salubrius.*



Proponerebat Lutetiz CAROLVS PATIN, Parisinus, A. R. S. H. M. DC. LV.